

別下齋叢書

附
下
書
卷

茗齋詁餘

茗齋詩餘卷一

淮南彭孫貽羿仁著

十六字令

春睡

殘夢尾何人念小名鸚鵡喚紅雨落朱櫻

寓感

孤劍說知君意未平萬古恨方寸負平生

詠美人紅指甲

釵鳳小垂幺首微搔紅尖露綠裏美人蕉

南歌子

豔思

鬪葉輸千子採花罵八哥
眼語巧騰那兒郎心上事
睽眉窩

懷信弦弟客五羊

踏月還珠浦觀潮祭鱷州
獨客海南頭甯知深閣裏
倚西樓

荷葉杯

春雨

花溼黃鸝無語春雨雨絲絲
絲絲連夕客頭白愁纖巧
催詩

玩月

庭院梨花非雪明月月何如
月痕如水浸羅幌簾上獨

窺書

懷崔大遽非同信弦客五羊

萬里尉陀城下旅館百花中蠻姬沽酒勸君醉可憶錦
閨空

南歌子

閨情

戴勝蠶兒月茶蘼燕子家朱門晝掩卽天涯空鎖曉開
夜合合歡花

摘得新

聽蟋蟀作

蟋蟀鳴離人夢不成夢中人萬里月三更消魂夜色難

禁架亂蟲聲

望江南

垂絲海棠

游絲裊睡色滿簾櫳刻畫無鹽比西子任他石醋罵東風燕尾掠驚紅

閨思

春眠起餘夢滿天涯柳絮飛殘夫婿粉棠梨落盡女兒花無奈不思家

南鄉子

春暮

蛾絲成綿馬頭孃賽浴蠶天蠶豆花開香一面驚電霍

閃流光紅一線

如夢令

春遊

楊柳短亭官綠紅杏小樓人玉春思不成吟墨瀟淚乾
鸚鵡鸚鵡鸚鵡起舞柘枝眉曲

上西樓

得日南書信

海天椰實初肥荔枝稀料得鷓鴣啼處客沾衣
就無來雁向南飛寄語隴頭春色帶人歸
作書

昭君怨

首春三日作

兩扇版扉深掩八尺湘簾自捲並沒客兒來水仙開
花下擁鑪清坐只有閒人一箇獨自據胡牀一鑪香

中秋

記得去年時候雙眼醉扶紅袖待月正當潮鮑家橋
夜靜露濃如酒潮滿銀河斗口彈盡鬱輪袍月兒高
秋日蕩舟南山下

綠漲長川西壩蕩槳豐山腳下深水蓼花灘把船彎
折葦烹茶煙起驚覺鷺鷥沙背路斷問魚蠻出前山
酒泉子

睡起

花落鳥啼睡起春愁亡賴海棠梢紅雨外燕單棲 博

山鑪裊煙成蓋濕黏雙翠帶蝶翻飛花影碎墜銀泥

又

睡損櫻桃鈿盒重勻金粉黛痕深愁隱軫上心苗
糴成不喜上蘭翹悶倚鴨鑪香燼撥琵琶犯花滾月輪高
點絳脣

折榴花有感作

折得榴花繁英簌簌紅窗雨種花人去花尙留儂住
行徧雕闌舊恨無尋處傷心句銀鈎小字題傍庭前樹
客怨和伯旃

煙斂遙天雲山下有還家路夢中歸處暝色沾殘霧
一點江春釀作濃花暮少一句天低樹遠人在蕪城賦

春光好

花燭詞

朱戶啟繡簾開美人來徐上香車傍玉階顫金釵
春夜不晴不雨香雲非霧非埃此夕飛瓊尋伴侶會瑤臺
浣谿沙

嘲子服病

病起因春不耐春春風不會不吹人細君疼惜故嬌嗔
竹琰管斜防雀口琵琶盲算值臬神那須絮絮惱卿卿
卿

閨怨

雲母屏深睡鬢鴉被池春重玉交义羈人何苦不思家

他夢裏斷雲收雨足牀頭單枕卽天涯薄情夫婿奈何

戀情深

本意

作惡東風輕薄絮送教春去斜紅繞臉思淹淹在眉尖
女郎花謝粉廉纖側帽闌疎簾雖則箇儂亡賴不憎
嫌

霜天曉角

賣花用蔣竹山折花韻

睡起煎茶聽低聲賣花留住賣花人問紅杏下是誰家
兒家花肯賒却憐花瘦些花瘦關卿何事且插朶玉

搔斜

寒夜怨

霜濃月晏一枕愁如線暗想桃花人面炙手金猊香畔
鵝笙哨偏簧澀音難辨聽到玉鑪三澗又被哨寒吹
斷

菩薩蠻

閨情

愁時瑣事兜郎做悶時百事猜郎錯何處不如他碎郎
手內花撩人翻咬也小啐勾人打匿笑故裝嗔叨叨
絮絮人

春愁效東坡迴文

絮飛花盡春餘雨
雨餘春盡花飛絮
人惜可憐春
春憐可惜人
句成愁字字字愁
成句愁更上高樓樓高上更愁

小兒暫詣長女家寄女趣兒歸

燈前竹馬無消息
哥鸚子燕離窠
出暫覓小羊車
言過月姊家
春寒風側側
莫出門前立
冒雨寄當歸
索孃金縷衣

醜奴兒令

豔情

蕭孃病起無情緒
睡損脣朱淡掃文殊雲薄
春山黛有餘
夢中歸信凝思久
月上方諸玉滴蟾蜍
懶寫蕭郎

別後書

范陽鳳池院尼穠麗明俊作眉輕纖時人謂談文殊

卜算子

閨望

相約海棠開花謝何曾至
郎處江流到妾邊那有相思
淚睡起獨看山山遠江無際
盡是前宵夢裏程江靜翻如睡

巫山一段雲

豔情

錦臆嬰兒燕紅屏姊妹花
睡痕和夢閃窗紗梅香喚點
茶堆枕雲三絡銜梳月一芽
多情薄命薄情他風前嚏準麼

謁金門

怨情

孤枕月上透一分羅帳直送花陰高幾丈捲簾鉤蕩颺
昨日鵲兒相誑添得今宵惆悵恰恰難勝金鎖項可
憐花一樣

好事近

落花

作意亂紅飛吹盡遊絲方落燕子蠻將春色轉花梢牆
角牆腰柳暗綠昏黃積絮織簾箔半雨半晴半日哭
東風姑惡

誤佳期

本意

銷繳從前別恨說道那回定準起來三次剔銀瑟欲呪
回心忍 呪也不相干薄命前生領啣啣蟲聲悉瑟窗
沒箇人兒影

洛陽春

用稼軒閨思韻

花底一春閒却雨梳風掠小姑情惡引人愁也謔恁眞
姑惡 鴉觜細彊金箔錦鞵綾托分鸞一隻寄情人認
嚙底郎輕薄

清平樂

春思